

479 88.

# DEO OPTIMO MAX.

UNI ET TRINO,

VIRGINI DEI-PARÆ, ET S. LUCAE,  
Orthodoxorum Medicorum Patrono.

## QUÆSTIO MEDICA.

QUOD LIBETARIIS DISPUTATIONIBUS

*manè discutienda, in Scholis Medicorum, die Jovis vigesima-prima  
mensis Novembris, Anno Domini M. DCC. LXV.*

M. FRANCISCO-FELICITATE COCHU,  
Doctore Medico, Præsidente.

*Num Chronicis, Aqua Minerales vulgo DE MERLANGE?*

### I.



CHRONICA vero ~~voripata~~ ea sunt in quibus nonnisi longo post tempore vel e medio tollitur ager, vel ad pristinam restituitur ~~eueglav~~. Quos affligunt ita misere vivunt, ut vita eorum nihil miserius. Ideo tantum atatem trahere videntur, ut jugi tormento, ripas Acherontis petiti quodam quasi tactu lambere cogantur. Utque horumce veritas melius illustrescat, adeunda sunt Nosodochia, & nunc illius habitum licebit inspicere cujus pulmonales fibras infarciunt tubercula cruda. Genæ pallore eburneæ, marcentes oculi fronti litiatæ submissi, lapla genua, nares languidæ assiduo pulsu tussedinis hiulcæ, quies turbida, & suspiritus crucia'us tarditate vehementior, & tamen eheu! opatæ vix datur mortis copia. Sæva enim mors miseros illudit, & quæ reuuentem sæpe sæpius occupat, annuentem nunc effugit. Illic videbis non minori ardore Proserpinæ limina proequentes, quorum per totam hepatis substantiam obstruuntur canales biliferi. Horum lutor deformis, acies oculorum torva, facies buxea, si is Tantalea, corpus macie defædatum, totum corium arens & aridum, satum lentiori seipens gradu incusant unaquaque horula. Sed & illorum quibus pectus incendit cæca libido, suscitavitque venereos arare sulcos arvo syphil-deo, aut thyrsus pangeret in mephitico hortulo. Ora pustulis deformata, frons ut ita dicam cornubus exasperata, ronchus semieroso palato raucus, membra ulceribus liquantia, hæ sunt prostibuli pœnæ, quæ hominem etiam ad orcum duce-  
rent, si quæ tulit mala Venus irata, ea relevare dispiceret Mercurio. Neque de scorbuticis tacebo qui vibicibus livedinis totam cutem depicti cruento sero gingivas madidi, ~~deserunt~~ dolore semper ob'essi, quo lentiori, eo etiam certiori passu ad interitum ruunt. Verum quid ego de calculo laborantibus, qui meiendi desiderio perpetui vexati, quoties a cedunt ad matulam, magnis nixibus & corpore pene in orbem revoluti, lachrymas ut plurimum habent pro lotio? Quid de nodosa arthritide, quid de paralyysi, epilepsia, melancholia, quid tandem de his sequioris sexus diuturnis morbis quorum omnium descriptio longiorem certe paginæ modum postularet. Hos omnes morbos sistere, lenire, curare, opus Medici. Sunt autem ubi

A

quibuscumlibet indiscriminatim remediis, non utendum: ubi a modicis abstinendum, adhibenda mitiora. Ex Medicorum enim omnium consensu, non pauci extant chronici, incantamentis ut ita dicam potius demulcendi, quam irritamentis debellandi. Tunc non aperto Marte gradiendum, sed insidius vincendum. Hinc quoque ex Medicorum consilio, omnem operam collocare debent ægri istiusmodi, in aëre mutando, alimentis rite seligendis, exercitio recte capeffendo, non diutius exacerbandis vigiliis, somno non nimis protrahendo, refrænandis animi pathematibus, non retinendis quæ debent eliminari, non excernendis quæ intra sanguinis alveum refusa ad sanitatem conferre valent. Quædam etiam ex medicamentorum censu tunc temporis non male competunt, sed lenia & ut plurimum a natura præparata & commonstrata. Inter auxilia ex hac postrema classe mutuanda, variæ eminent variarum regionum aquæ minerales, quarum levioribus & subtilioribus principiis præditæ, cæteris anteponendæ veniunt, exquisitè tamen habita ratione mineralium quibus prægnant. Nunc enim mariales, nunc calcariae; aliis lutulentæ, aliis limpidae; quibusdam in modum balnei, cæteris vero propinatæ congruunt: plurimis autem ex de quibus nunc est sermo [1]; quod quidem evincere conabimur postquam de chronicorum causis quantum potis erit, brevibus in paragrapho sequenti actum fuerit [2].

## II.

**D**IUTINORUM morborum ansam præbent causæ cum internæ, tum externæ. De postremis omittemus, utpote quæ raro tolli omnino queunt. Quoniam enim modo sanandæ istæ cerebri affectiones quæ ortum repetunt a prava cranii figura, sive illud in partu difficili obstetricum imperitia a rotunditate sua pressula deflexerit, sive in vitæ curriculo ab ictibus vel aliis de causis depressionem a liquam passum fuerit? Quænam erit medela adversus ista viscera thoracorum aut abdominalium vitia, quæ originem acceperunt a muris illis æneis quibus tenellæ in infantia collarum crates incaſcerantur crudeli parentum studio? Talia genere mores, contra mores quid Medicina valet? Causæ chronicorum internæ sunt vel remotæ, vel proximæ. De remotis adhucdum inter Medicos ambigitur, utrum repetendæ sint a solidis an a fluidis? Melius forsan ex utrisque repeterentur [3]. Proximæ ad mentem Boërhaavii sequentia sunt: vitia nempe sen-

[1] Ut sit nostra Thesis extra aleam, saltem quoad istud, Aquæ Minerales dicuntur ex quæ aliquam insignem proprietatem præter aquam vulgarem habent. *Varianii Geograph. p. 189, edit. Newton.* Porro hæc doctores demonstrabantur de aquis de *Mirlange*, in §§ III & IV.

[2] Cum receptam vulgo Thesium formam respuere videretur questio disputationis hodiernæ subiecta, proposito meo satisfactum putavi, si argumenta desumerem 1.º a characterè morborum quibus sanandis aptæ videntur & idoneæ aquæ de *Mirlange*, 2.º ex analysi eadem aquarum, 3.º tandem ex observationibus quas mihi suggerere neitiquam dubitaverunt Medici famigeratissimi, quibus propter istud beneficii maximas gratias in æternum meminero.

[3] Memini legisse in quodam libro, cui titulus erat *Lusus Mathematici*, problema quod sic se habebat: Si sphaera per foramen nequeat transire, culpanumne foramen, aut culpanda sphaera? Si responderetur, Culpanum foramen, tunc subsumebatur: Si sphaera minor evaderet foret rectè foramen transitu facile. Si econtra culpanum esse sphaeram, tale erat responsum: Si majori foramine donaretur tabularum, die fodes, sphaeræne denegaretur aditus? Idem sermo objiceretur iis qui disserunt de chronicorum causa primaria, & tale proponi quiret ænigma: *Sunt-ne fluida chronicorum fontes, vel solida?* Si dixeris fluida, subsumetur: Si fibrarum textura esset rectius ordinata, ad meliorem libellam componeretur fluida: Dicas vice versa a solidis originem ducere chronica, & responderetur: Si munere suo rectè defungerentur fluida, rectius sine ordinarentur solida. Quot igitur dubia adhucdum manent in medicina! quot velamina! Et jam dicas recentiorum Medicinam esse instantiorem veteri? Non mehercle. Nihil aut admodum: parum proficimus. Evolve veterum

sim in liquoribus adorta; vel acuta minus bene sanata. Multimode autem vitari possunt humores nostri corporis, nunc acido, nunc austero, nunc acuti pingui aromatico, pingui inerti, falsedine muriatica, alkali, glutinoso. Longior certe extenderetur sermo, si has omnes causas enucleare ferret animus. Ut igitur intelligi queant aquarum mineralium *de Merlange* virtus & operandi modus, sufficiat leviter pertingere qua ratione istæ chronicæ affectiones parere valeant. Apud omnes habetur in confesso eo tendere istorum naturam, ut vel constringantur vasa, vel erodantur vascula, inspissentur lymphæ latices, sanguinea moles dissolvatur, vel tandem ut quædam ex mox recensitis connubia ineuntia, junctis viribus machinam corporis oppugnent. Plurimas ex his sobolescere obstructions sive præcludat inflammatio, sive non, extra omne dubium ponitur. Pro tamen varia variorum viscerum debilitate, illa præ aliis præcuntur. Nunc enim per totum jecur biliarii strangulantur pori, bilis in secretionem moras suscipiens spissescit diffuso per mæandros vehiculo, incrustantur lapidea mole canales paulatim serpit in dies malum, obstructisque demum cunctis forinvis, brevi cedit hepar in massam schirrodeam, quæ eo difficilior medelis obtemperat, quo penitiores morbus & antiquiores egit radices. Hunc igitur aggredere dum primis elementis omnem sanitatem nondum induit, dumque nutrire imbecillis adhuc ignis viribus. Aliquoties primæ digestionis organa impetunt; rabiem suam exerunt in glandulas quibus referuntur officinæ chilopoieticæ, quam ni propriis remediis edon es paritur glandularum obstructio, oppelluntur lactæorum osi la, languet nutritio, ad miseram maciem deformatur æger pene alius luore, pedatimque jam non homo sed larvale simulachrum, amicis suis æternum vale dicere cogitur. Multoties etiam harumce causarum victima cœditur pulmo, præsertim in iis quibus vel hereditaria debilitas, vel rerum non naturalium abusus tabem minitantur. Hinc pulmonis tubercula cruda; hinc tchiri; & hæc a uce a; febres hecticæ; hinc demum postquam completis igne vesano & tunc præcordiis isthec symptomata immolite debacchara fuerunt, aut plures migratio. Neque plura narranda sunt de generatione calculi & de morbis viscerum uropoëtorum, podagra, scorbutus &c. His id genus. Quia enim longum est ut jam diximus omnia persequi, lectoribus tenorem damus cætera sentiendi.

Quoad vero vitia ab acutis male sanatis relicta, non difficile est conceptu quomodo dum v. g. occipit hepatitis, dum primus morbi insulus comitem sibi adjungit febrem, dolorem circa hepatis confinia, croceumque colorem per ægri membra late diffusum [+], si tunc temporis opportuna non adhibeantur remedia aut parcat venæ-sectionibus, diluentibus &c. pro indicatione, non, inquam, difficile est conceptu quomodo his in circumstantiis, inflammata & obstructa jecinoris partes vel indurescant, vel ad suppurationem vergant: unde diriores aguntur in posterum tractatæ, tandemque consummatur vitæ fabula. Similiter & in abdominalium viscerum

scripta qui stas pro neotericeis, & tunc facile ferre poteris judicium. Sed istæ disputationes his relinquenda sunt quibus in musæis suis licet damnosam consumere diem in extricandis minimis. Nos vero ad utiliora dirigamus iter.

[4] Symptomata cuncta quibus hepatitis sese prodit, nimis arduum foret delineare. Neque etiam talia tulit animus. Pro enim variis jecinoris partibus quas obfidere potest inflammatio, exurgunt alia symptomatum catervæ, nunc per idiopathiam, nunc per sympathiam sive consensum. Idem intelligendum est de cæteris morbis in quorum mentionem hic & illic incidimus.

inflammationibus, in quibus sæpe sapius intempestiva drasticonum adhibitione, morbus adaugetur, nedum curetur. Quod enim oleum flammæ, quod sulphur incendio, quod flagellum furæ, hæc morbi fævitæ nutrimento faciunt. Idem fore dicas de cæteris quibuscumque acutis. Nos vero postquam de aquarum de *Merlange* analysi tum spontanea tum artificiali disseruerimus, nostrum erit indicare qua virtute acida domando, pingua & glutinosa diluendo, &c. obstructions referent, ægrorum dolores & tormenta sedent, sicque chronicis lenimen asserre satagant.

# I I I.

**J**UXTA Monasteriolum Senonum est quidam campus, nomine *Merlange*, quem ambit aër nitidus, circumdant umbræ nemorum, cingunt colles amœni, irrorant laïces salutiferi. Hujusce loci lymphæ, nostræ Thæseos argumentum. Versus infimum clivuli cujus in roscidas cespites cacumen desinit, qua parte medium spectat solis iter, ibi terra imitus decumescens, genuina scrobs efformatur ad instar putei. Per hujus vero purei patorem, fons vividus blando scaturire fluxu, in lenem sese undam sensim vibrare, ac mox cisterna quadrata arte confecta excipi per rivulum quem diceret argento vel vitro similem [5]. Hujus fontis aqua visu limpidissima, odoratus organa nullatenus afficit [6]. Ore degustata, prorsus insipida est, nisi aquam sapone leviter imbutam velis dicere lapidam. Aqua stillatitia, pluviatili & etiam fluviatili gravior apparet [7]. Eam cum acidis mineralibus & vegetabilibus experiri lubuit: neque ullum effervescentiæ signum detegere potuimus, nisi gracilissimas cum oleo vitrioli bullulas, quæ etiam forsan vi acidi adscribendæ sunt. Gutts aliquot solutionis alkali [8] mixta,

[5] Dum fieret prima analysi aquatum de *Merlange*, a Saluberr. Facultatis Doctoribus, nudæ campo saliebant aquæ; nunc vero concha quadrata lapidibus sista coercentur, & ubi ad quamdam altitudinem adscenderunt, ope ductus fistillis ducuntur in alteram concham priori similem, adeo ut semper limpida & ab omni luto alienæ possint haberi. Hoc totum muris circumdatur, sicque ab hostium insidiis defenditur.

[6] Nullum omnino aërem elasticum continent, quod experiri per se quisque poterit, si velis aquas nostras in lagena vitrea succutere ocluso ope pollicis rostro: nullus tunc audiendus est sibitus. Hinc etiam evesctu nihil deperdunt.

[7] Difficile est admodum gravitatem specificam liquorum caleulo subijcere. Itaque in ponderanda aqua de *Merlange* hydrometro usi fuimus. In aqua stillatitia, stabat ad gradum 35  $\frac{1}{2}$ , & in aquis nostris ad 34. Notandum est gravitatis specificas liquorum tali artificio comparatas, esse in ratione inversa altitudinis instrumenti.

[8] Quanquam ad hodiernam quæstionem pertineat præsens annotatio, attamen ut talia scribendi fortasse nullus mihi amplius concedetur locus, dicam breviter mihi videri Etymologicas in errore versari circa vocem *Alkali*, quam fingunt originem ducere ex articulo Arabico **قَلْب**

al, & verbo **قَلَبَ** *kalim*. Ego semper opinatus sum *Alkali* nomen habere ex voce Arabica:

**قَلْب** & Græca *ἀλς* Sal, ut vox **قَلْب** (a **قَلْب** *Coxit in sartagine*) Arabibus idem sonat ac nobis *Cinis qui ex Salicornia*, aut aliis similibus combustis oritur, mihi verosimile videtur genitivo

hujus vocis **قَلْب** *kalim*, conjunctum fuisse verbum Græcum *ἀλς* (quo indigitur Sal marinum.

κατ' ἔξω, genetice vero omne sal) ut uno verbo exprimeretur sal illud quod lixivio extrahitur e cineribus Salicorniæ, & similibus. Inde patet quam malè denominatum fuerit *Alkali*. Volatile sal illud quod emittit ex sale Ammoniac, &c. cum nullam connectionem habeat cum sale cinerum Salicorniæ, nisi quia bellum assiduum gerat cum Acidis Sunt innumera in chemicis nomina qua permutanda forent, ut erroris ansa omnino tolleretur, arisque elementarè redderentur faciliora. Optandum foret ut quidam Chemicæ in se hujus permutationis partes susceperent, & in denominandis chemicis, eandem sequerentur viam, quam celeberr-

laetis colorem retulit, & paucis post horis vitrei vasis lateribus & fundo adhaerebat sedimentum album & tactu pingue, quale aquarum argillofarum.

Idem evenit cum spiritu salis Ammoniaci ope calcis preparati, sed color paulo intensior, sedimentum copia majus.

Cum solutione argenti in acido nitri, color idem, praecipitatum album.

Idem cum solutione plumbi in aceto stillatitia, vel salis Saturni in aqua stillatitia.

Cum solutione aluminis in aqua stillatitia, nihil.

Cum solutione Mercurii in acido nitri, nubeculae flavae, praecipitatum subflavum.

Cum lacte mixta, coagulum nullum.

Saponem brevissime & accuratissime solvunt aquae de *Merlange*.

Ex gallis, tincturam badiam extrahunt.

Ex granis Rhuis, tincturam primo subfuscam, mox atrovirentem.

Ex lignis Indicis, punicantem.

Ex Rheo, atroflavam.

Ex violis demum, virentem.

Animadvertendum etiam nullum per se sedimentum exhibere aquas de *Merlange*. Per menses duode viginti in vasibus vitreis servatae fuerunt: expectabatur sedimentum, sed incassum.

## A N A L Y S I S.

*Spontanea.* Circa latera concharum in quibus excipiuntur, incrustationes quaedam reperiuntur, ad modum Stalactitum quae deprehenduntur in cryptis quibusdam. Hi lapides aquae istiusmodi pregnant principijs quibus aquae [9]. Antequam etiam muris circumcingenretur fontes, in locis quos alluebant, ripae colore quodam flavo tingebantur, de quo consulatur Analyse a saluberrimae Facultatis Doctoribus instituta [10].

*Artificialis.* Ex congiis quatuor aquae de *Merlange*, in sartagine fictili & encausta, igne leni vaporatis, elicitum fuit residuum salino-terreum drachmarum sex & grani unius pondere [11]. Pars hujus residui pulverulenti in acidis solutum fuit cum effervescencia. Pars in aqua stillatitia soluta, cum

mus Linnæus patefecit primus in botanicis. Tunc nomina chemicorum eruerentur ex visceribus rei, non vero ex suis correlationibus, ex inventorum nomine, ex vocibus barbaris, &c. quod opus bucina dignum, tyronibus foret petule, omnibusque certe Medicis gratissimum.

[9] Facilius etiam in his lapidibus deprehenditur ferrum, quam in aquis. Si enim hæ incrustationes in pulverem redigantur, & in aqua stillatitia mittantur, hujus aquae colatura cum gallis mixta, exhibet quantocius coagulum & colorem intense nigrum.

[10] *Analyse des Eaux minérales de Merlange, par MM. CANTWELL, HÉRISANT, DE LA RIVIÈRE le jeune, Doct. orrègés de la Faculté de Paris.* pag. 12.

[11] Non possum tamen non fateri quod res est: ex congiis quinque aquae de *Merlange*, quinque tantum drachmas cum dimidia salino-terrei residui elicere quivi, quamvis igne levissimo vaporarent. Hanc principiorum inopiam aut meæ operationis cum analysi a Doctoribus Saluberr. Facult. instituta discrepantiam, tribui varietati tempestatum anni in quibus operati fuimus. Doctores supradicti operationem suam instituebant in mense Decembri, cum fons principijs uberioribus scatebat, ego autem circa finem Julii, in quo tempore languent fontes ferme omnes fontium. Porro lectorem monitum velim congium unum æquipollere libris vij codicis Medic. Paris. & capere sextarios vij, heminas vero xij.



alkali & spiritu salis Ammoniaci exhibuit præcipitatum album & unguinosum quod magna similitudinem habebat cum terra in aqua calcis contenta [12]. Lixivia hujus residui, colatione & vaporatione, apparuit sal quidam neuter sal Glauberiano sat similis, sed majori pollens amaritudine, aëri libero efflorescens & in catino fusibilis ad instar ejusdem salis Glauberii. Si huic salis instillentur guttæ acidi vitriolici concentrati, fumos edit albidos & olentes, quales sal marinus. Solutio hujusce salis in aqua stillatitia, solutum mercurium in acido nitri præcipitat in pulverem subflavum [13]: alkalice liquoribus mixta exhibet præcipitatum album & terreum. Tandem si pars residui salino-terrei de quo supra, solvatur in aqua stillatitia & misceatur infusis nucum gallarum & Rhuis, mixtio nigricat. Cætera vide cum in analysi a Saluberr. facultatis Doctoribus instituta, tum in nota [14]. Tentavimus etiam num in residuis aliquales ferri particulae magnete se proderent, quod nunquam accidit [15].

## I V.

**E**X experimentis & analysi modo recensitis, oppido liquet aquas minerales de *Merlange*, militare in numero aquarum quæ nomine *Neuræum calcaræarum* noscuntur [16], quarum lymphæ admixta sibi habent salem neutrum, ferri paululum & terram calcaream tenuissime dispersitam. Hinc earum vires & operandi modum eruere, non erit difficile.

I. Itaque ut a ventriculi vitiis ordiamur, utpote e quibus ut plurimum pendent alia chronica, non raro stomachus & viscera chylopoietica acidis turgere deprehenduntur, quo in casu omnes fere assumpti cibi acidam indolem nanciscuntur. Calore interno quasi uruntur præcordia: alvus stringitur: lac coagulatur in primis viis: borborygmis colicis doloribus cruciantur ægri, cæterisque abdominis torminibus. Hæc si diutius indebellata relinquuntur, chylus ipse in tali officina confectus hujus acidi fit particeps, & ut

[12] *Analyse*, &c. p. 19.

[13] *Idem*, p. 21.

[14] Sal in aquis de *Merlange* contentus habet aliquid singularis. Videtur componi ex duobus salibus insimul chrystallificatis, quorum alter formatur ex acido vitriolico & basi salis marini, alter ex acido salis marini & basi terrea. Ut facilius & commodius istius salis chrystallos inspicere quirem, guttam unam solutionis ejus microscopio perlustrare libuit: Vaporata illa gutta exhibuit chrystallos exiles, oblongas, pellucidas, aciculis similes, ex utroque latere sensim in mucronem desinentes, quales memini olim vidisse expressas in observationibus *Lewenhoeckii* de sale in calce lapidea, n.º 12. fig. A. (*Anatomia seu interiora rerum*, &c. ab Antonio *Lewenhoeck*. Lugd. Bat. 1687 in-4.º pag. 137.) Chrystallos alias videre erat quæ ad instar litteræ X insimul per paria jungebantur. Alliarum denique compages foliorum cichoraceorum ad invicem per basim oppositorum imaginem amulabatur. Chrystalli hujusce salis constanter exiliores erant chrystallis salis Glauberii eadem arte exploratis. Num penderent effectus salium in corpore humano, à variis chrystallorum suarum figura & exilitate? ... De aqua residua & in chrystallos cogi indocili. Conf. *Analyse*, &c. p. 23.

[15] Ne in errorem me duceret aliqualis humiditas polvis magneticis aliquoties adhærens, quæ gulvis residuorum attractionem mentiri poterat, hæc residua exploravi acu magnetica; neque ullum deviationis signum deprehendere potui. Unde concludere est ferrum in aquis nostris, esse in statu perfecte diviso, simul & minori copia.

[16] De aquarum mineralium divisione, quidquid ibi desideretur, tamen tacuimus. Rectam enim fontium istorum divisionem instituere, supra caprum mentis humanæ creditum. Enimvero natura hic & ubique saltus non agnosceat: sed veluti peritus fidium modulator qui ab una modulatione in alteram ascendit vel descendit gradatim absque ulla fere auditorum perceptione, ita & natura a genere in aliud genus sensim sine sensu diffiuit, adeo ut certi ejusdemque generis limites neutiquam reperiri queant. Verum in denominandis aquis nostris, methodum v. g. *Wallerii*, in *Hydrologia* sua delineatam, secuti sumus.

7  
 cæteri corporis humani liquores primam indolem a chylo communicatam retinent, qui latices machinam humanam alluendi sunt rore benigno, leni, balsamico, acidi rudimenta secum evehent; constringentur vel etiam erodentur vascula & nedum vergat ad incrementum corporis ciborum assumptio, econtra cedit in animalis perniciem [17]. Porro prima isthæc morbi elementa debellare aquas de *Merlange* unicuique patebit, modo attendere velit principiis quibus prægnant. Terra etenim calcarea simul & ferri frustulis frangitur & obtunditur spicula acidi, & ex miscela utrorumque emerget sal neuter qui cum sale genuino earumdem alvum leniter sollicitare poterit, humoresque corpori inimicos foras eliminare. Si vero jam corporis latices acido imbuantur, tum vasorum lacteorum osculis attractæ, rotam circulationis ingredientur, & alveo sanguinis communi refusæ, acidum latens in vasculis edomabunt unaquaque parte, sicque balsamicas dotes laticum restituent, sine quibus morborum expers vita dari nequit.

Homines alii reperiundi sunt in quibus paries interna ventriculi & tubæ intestinalis mucagine quadam oblinitur, sive genuine talis mucago generetur ventriculi debilitate, sive eadem ortum repetat ex prava ingestorum indole. Nisi hujusce mucaginis rudimenta statim aggrediantur, paulatim vires acquirunt, turbantur digestionibus dum succi gastrici digestioni opitulantes vix manare queunt, prostratus sit appetitus, pondere quodam gravatur ventriculus, alvus evadit laxior, vermes aliquando generantur, suffocatur nutritio obstructis vasis chyloferis & si lapsu temporis intus tandem resorbeatur ista viscositas, lentor sanguini consiliabitur, secreta liquida viscosa prægnabunt, undè tot infarctus in variis visceribus nec remediis facile domabiles. Primo intuitu videre est quomodo tunc aquæ de *Merlange* aquoso flos principio & sale suo neutrali diluere poterunt tales viscositates farragines, paulatimque de die in dies pravam fluidorum diathesim emendare, & ad meliorem componere crasim.

Sed & multa alia dantur stomachi mala quorum causæ seris nepotibus forsitan melius innotescunt. Quidquid autem sit de illis morbis, seu natales ducant ratione motus peristaltici ex debilitate aut rigiditate fibrarum ventriculi, seu ratione valorum istius visceris oriuntur ex stagnationibus, tumoribus, schirris, seu tandem respectu functionis læsæ gastris caesentur ex cruditatibus omni generis, his in affectionibus multum prodesse aquas minerales nostras ex Medicorum observatis hucusque abunde evictum fuit [18].

[17] Innasci in sanguine τὸ ἔξω acidum quid, etiam divo Seni notum erat. Scribit enim in libro de *vereri Medicina*, ἐν γὰρ τῷ ἀδύρωτῳ, ὃ καὶ τὸν ἄλκαρὸν ὃ γλυκὺν ὃ ἔξω: ὃ σπυρίον: ὃ πλάσιν: ὃ ἀδύ μύρια παρταίας δύναμις ἔχοντα, πλεῖς τε ὃ ἔξω. Ταῦτα μὲν μυστηρία ὃ κεκρυμμένα. . . &c. Ἰπποκράτης καὶ βίβλος ἀσφαλα. *Basilæ*, 1733, p. 8, lin. 34. Quot vero pariat incommoda ἴστω τὸ ἔξω ἀποκρίνω ὃ αὐτὸ ἐφ' ἑαυτῷ γονύσας, videre est in ulceribus quibusdam sarcophagis, in herpete, in ægris quibusdam quorum lotium corrodit lineamenta non secus ac si acido vitriolico inaspera fuissent, in aliis quorum sudores ita acidi sunt, ut etiam acidiorum mineralium vires corrosivas amulentur, in isto denique vomitu critico, omnium ἐξουατῶν, quo peracto convalescebat æger podagricus, de quo consuli possunt, *Medical observations and inquiries* vol. I. *London*, 1758, p. 44.

[18] Anno proxime elapso, virgo annorum circiter 40, menstruata & nervosis affectibus identidem cruciata, quoad viscera pneumonica habitudinis sat delicatæ laborabat ἀνεπίστα jugi. Alvus erat stricta. Ad aquas minerales de *Merlange* confugit, quarum heminas quatuor quotidie propinabat. Octo diebus elapsis magnam copiam humorum mucosorum & bilis flavæ referentium per alvum egressit. Evanuit ἀνεπίστα, ad meliorem libellam sese composuerunt viscera thoracica & adeo fuit allevata, ut bis aut ter iisdem symptomatibus redeuntibus, ad idem remedium semper confugerit eodem semper cum successu. Hæc M. BERTRAND Saluberr. Facult. Doctor.

II. Ex supradictis facile deduci poterit quare obstructionibus adversentur aquæ nostræ. Si enim circulationem una cum aliis liquoribus humanis peragere queant, concipietur quomodo agentes huc & illuc: qua aqua, qua terra calcarea, qua ferro, qua tandem sale neutro, aperientes vires exerant & obstructa vasa recludant [19]. Sicuti autem quo subtiliora sunt principia, quoque magis divisa & vehiculo suo permixta, eo melius ab officinis lacteorum exfuguntur, ita quoque nostrarum aquarum vis per se patet utpote quæ terram calcaream attenuatam & *Alcoholisatam* continent, cæteraque principia

2 Vir annorum 40 sex abhinc septimanis dolotibus acutis cruciatur, circa ventriculum qui & ipse post pastum etiam leviozem intumescerebat. Alvus erat laxissima & defectiones liquidæ. Excitatus fuit vomitus ope radicis Ipecacuanhæ, & ter hausit medicamina purgantia. Morbus videbatur remittere, attamen paucis post diebus recruduit. Sextarios triginta aquæ de *Merlange* propinavit intra dietum totidem spatium, & perfecte sanatus fuit. Duobus abhinc annis, integerrima gaudet sanitate.

3 Vir annorum circiter 55 temperamenti biliosi & ad itam facile proni plurimis abhinc mensibus *durisicis* laborabat. Quamvis ut plurimum vesperti lectum repeteret impransus, tamen semper ventriculus turgebat quasi è prandio. Pluries etiam quidquid cibi circa meridiem cœnavet, illud versus mediam noctem vomitu rejiciebat *æres* & quale assumerat. Alvus sollicita fuit aquis de *Sedlitz*; deinde intra dies viginti haustibus interruptis perduxit aquarum de *Merlange* sextarios triginta duo. Harum usu brevi convalescit, & ita restituta fuit vis concoctrix ventriculi, ut jam fragali cœna accumbere valet absque ullo incommodo. Hæc duo M. MORISOT DESLANDES S. F. D.

4 Sunt Monachæ non paucæ regulis adeo austeris obditæ, ut cibis dyspeptis quotidie vesci cogantur: unde nascuntur multæ ventriculi affectiones. In his autem affectionibus multum professe aquas de *Merlange* observavit M. DIONIS Sal. Fac. Doctor, & inter plurima observata, sequens mecum communicavit. Monacha ordinis divi Francisci doloribus acerbissimis vexabatur circa gastræum, nullaque alimenta ore assumere quibat, quin ea statim vomitu rejiceret. Aptis medicaminibus alvus sollicita fuit, statimque exhibitæ fuerunt aquæ de *Merlange* una cum lacte mixtæ. Post triduum jam ventriculus cibos non respuere & digestioni favere. Tandem usu continuo exsurgendum, elapso mense uno, ad integrum calculum restituta fuit.

De efficacia aquarum de *Merlange* in morbis ventriculi præsertim à viscoso & inertia succi gastrici, eadem mihi affirmavit M. LE THIEULIER Senior Sal. Fac. Doctor, multis ductus observatis ad eundem præcise scopum collineantibus.

Ne carduos meos cum floribus alienis miscere velle videat, de propriis meis observationibus taceo, quibus eadem etiam ipse comperit.

[19] Quidam adolescens hepatis obstructione laborabat. Jam sanguis per totum corpus bile tintigebatur: jam deformis lutor ægum invadebat. Plurima adhibita fuerunt remedia. Sed morbus medicamentorum vim elidebat, illudebat & Medici operam. Usu continuo aquarum de *Merlange* convalescit æger & nunc incorrupta fruitur sanitate. Hæc M. DIONIS Sal. Fac. Doctor *Vide etiam inf a [34] 2.*

2 Circa finem Septembris 1763 Domina \*\*\* dolorem experiebatur in hypocondrio sinistro. Per aliquot dies jam febricitaverat. Percipiebatur tactu tumor qui substantiam tenis occupare videbatur. Aliunde micus erat difficilis. Præscripta fuerunt diluentia & relaxantia, quædam etiam minorativa neque oppido infructuose. Attamen dolores circa renem persistebant, neque etiam tumor subsidebat. Febris iterum ægram corripiebat, meiendi difficultas adaugebat. Advocata fuerunt semicupia & remedia saponacea & solventia. Tunc veto in utinis sese prodidit aliquid tartarei & sedimenti mucofi. Tandem versus finem mensis Novembris urethra exitum concessit calculo tenui & fragmentis calculosis aliquot. Ægram semper urgebat febrilis ætus. Dolores quidem evanescant, sed tumor erat semper idem. Mictus erat facilior: ægra laborabat *ære*. Post quasdam accessiones febriles, deprehendebatur in lotio tertia vel dimidia pars parulenta ejusdem materiæ, coloris cineritii. Tunc temporis exhibitæ fuerunt aquæ de *Merlange* quas volupe prolecevit ventriculus. Etenim paucis post diebus *ære* evanescere. Deglutita etiam fuit terebinthina utpote quæ diuretica & deterfiva protius indicabatur. Duobus istis medicaminibus tumor subsedit, omnino evanuit, salutemque recuperavit ægra versus Aprilen 1764; his abhinc diebus rite & vegete omnes functiones actionesque suas exercere valet. Hæc mecum communicavit M. FUMEA Sal. Facult. Doctor.



sua tum salina tum metallica, ad ultimam divisionem coextensa [20].

III. Cum felici eventu adhiberi poterunt aquæ minerales nostræ in fluxibus sanguinolentis, seu fluxus isti causam agnoscant *ἀναγκαστικὴν*, seu *διασπαστικὴν*, seu *διασπαστικὴν*. [21]. His enim in casibus quis nesciat quantam palmam obtinent medicamina unguinosa simul & paululum adstringentia. Tunc ægris perhibentur optimo cum successu terræ Bolares quæ tactu unguinosæ sed & virtibus adstringentes deprehenduntur. Aquæ *de Merlange* dum per argillosos stratus incertum sub terra divagantur, quidquid in his alveis unguinosi deprehenditur, diluunt & secum una cum undis suis evehunt [22].

IV. Quantum eadem valeant in discutiendis doloribus nephreticis, si soli judicare poterunt quibus non latet in istis doloribus spissa mucagine obduci organa uropœa, imprimis cum catheter calculum in vesica jamjam exprobravit. Has mucagines diluit & attenuat aqua *de Merlange* ut jam dictum fuit N<sup>o</sup>. I. Sed & ægris illis aliud præstat commodum. Omnibus enim notum est aquas omnes calcareas virtute lithontripica pollere [23]. Uti ergo poterunt aquis nostris calculosi & morbis organorum uropœorum obnoxii, neque absque solatio [24].

V. Iisdem etiam ducti rationibus, podagrici qui inter scortula & ferula morbum fere insanabilem sibi quæserunt, non levissime folamen percipiunt haustibus aquarum *de Merlange*, si modo pergræcantium palato possint sapere aquarum mineralium forbillationes.

VI. Est quoddam morbi genus quod apud Medicos nervosi nomen sortitum est [25]. Hic morbus est quidam Proteus nullius addictus formæ, sed multorum larvarum induens. Non unam occupat sedem, sed est totius corporis morbus. Borborygmis vexantur ægri, ructibus acidis. Appetitus

[20] Adeo attenuata sunt mineralia in aquis nostris soluta, ut trans lagenarum fistillum poros exsident una cum vehiculo suo, sicuti pluries ipse expertus sum.

[21] " Moniali hepaticæ laboranti, cum torminibus abdominis, quam nulla levabant medicamina, purgantia vel levia sociata etiam cum opiacis respuenti, præscripti pluries maximo ægra virginis levamini aquas *de Merlange* quæ purgant totius primis diebus, sed tandem sopiunt dolores, & res ad meliorem statum reducant, qui status idem remanet per aliquot menses, rediturus deinde, posteaque eodem remedio mitigandus. " Hactenus M. MACQUART. S. F. Doc.

2. " Ægro mictu sanguinis duobus abhinc annis continuo laboranti, aquas nostras præscripsit M. MORISOT DESLANDES Sal. Fac. Doctor, & quidem cum bonis ægri rebus. Quia tamen nondum perfecte sanatus est æger ille, hanc observationem manu sua exarare noluit idem Doctor. Non irascetur mihi, ut opinor, si quæ reticenda voluit, ea ibi publici juris facere ausus sim. Æger enim ille per annos duos mictu cruento perpetim vexatus, usu aquarumstrarum per mensis unius spatium ab hoc morbo immunis evasit: maxinaque spes superest, illum tandem haustibus repetitis ejusdem fontis, salutem omnino recuperaturum.

[22] In campo dicto *de Merlange* reperitur argilla qua utuntur incolæ ad lanearum illuviem detergendam. *Analyse*, &c. p. 11, 32, 33. Videre etiam est in superficie fontium *de Merlange* quidam quasi stratus vel illitus oleaginosus, lymphis innatus, & halonis diversimode pictos colores grato referens spectaculo.

[23] RUTY (John) (M. D. *A Methodical Synopsis of Mineral Waters*, &c. in-4o. London, 1757.

p. 476.

[24] Audivi ex M. FUMÉE Sal. Fac. Doctore M. \*\*\* nephreticis doloribus obsessum cum perpetuo mictendi desiderio & paucis urinis, sibi magnum levamen conceivisse haustibus aquarum *de Merlange*, adeo ut jam sit quietus officio suo facile defungi queat.

2. " Doloribus colicis renalibus laboranti, ischuria sæpe cruciata & multos lapillos & arenas cum urinis ejicienti, præscripti aquas *de Merlange* maximo cum successu; spero etiam usum earundem mali fomitem exhauriendum & eradicandum. " M. MACQUART Sal. Fac. Doctor.

[25] Nervosi morbi hac die vocantur omnes fere ægitudines anomalæ & quæ typum nullum fervant, sed Medicorum ratiocinia eludunt. Gallicæ nuncupantur *Vapeurs*, *Maladies Hystrériques*, *Hyposandriaques*, &c.

nullus, vomitus aquosi vel pituitosi, digestiones pravae, debilitates, desiderium eduliorum variorum vel horum quae nutritioni prorsus inapta sunt. Ventriculi inflatio & tumor praesertim post primum [26]. Aequoties dolor in ventriculo, oppressiones circa praecordia, anxietates, pulsationes circa abdomen, spasmi intestinorum, &c. Mucus limpidi, spumoso frequens, aestus subiti per totum corpus, frigus circa alias partes, dolores erratici, lypothymiae frequentes & successivae, &c. Cephalalgiae, vertigines, scotomae, vigiliae continuae, somnia turbida, incubus, cogitationes lulentiae, &c. [27]. Ut horum causa latent imprimis in visceribus vel inguinalis, vel aliqua materie nociva turgentibus, vel tandem nimia nervorum sensibilitate praeditis, nullis ut opinamur mirum videbitur, si his in circumstantiis aquas nostras propinandas suademus, sique quod cecinit Horatius de Digenia, fonti nostro inscribere audemus.

Fons etiam rivo nomen dare idoneus, ut nec

Frigidior Thraciam, nec purior ambiat Hebrus,

Infimo capiti fluit utilis, utilis alvo.

& revera ex observatis, nervosis in affectionibus virtutes suas produnt aquae minerales pleraque [28].

VII. Chironia emendare & sanare ulcera [29], aquarum calcarearum est proprium, ut constat observatione [30]: eadem etiam cancerosa leniunt & sopiunt. Tentare idcirco poterunt Medici quid valeant aquae nostrae his in morbis. Nec spem, ut hauriatur, fallet eventus [31].

VIII. Ad cutaneos morbos expellendos plurimum valere, aquas de Merlange verosimile est, siue intus assumantur, siue extus in modum balnei. Quan-

[26] An hic referendi sint morbi de quibus nota [18] 1, 2 & 3. An etiam hic referenda observatio M. DANIEL DESPAUREAUX Sal. Fac. Doctoris? Anno 1762, nobilis femina 34 annorum post maiores diutinos cepit laborare quadam suffocatione & anxietate circa praecordia, in primo digestionis aestu. Haec suffocationes manebant usque dum de gastro carcere magnis nixibus erumperet ructus cum explosione. Multis medicamentis usa fuit nullo successu. Ad incitas demum redacta, aquarum de Merlange septem congios ebibat, ebibat & salutem. Intra enim paucatum hebdomadam spatium, perfecte convaleuit.

[27] De nervosorum affectionum symptomis & causis qui plura scire cupient, adeant CHÉZENNE (George) M. D. *The English Malady*, &c. TRALLÉS (Balthas Ludov.) *Usus Opii salubris & noxius in morborum medela*, &c. Sect. III. WHYTE (Robert) M. D. *Observations on the Nature, Causes and Cure of those Disorders which have been commonly called Nervous*, *Hypochondriac or Hysteria*, &c.

[28] Imprimis tamen nostrae quae vim solutivam sed & sedativam praestant alii obtinent. "Elles sont peu convenir furieux quand il s'agit de fondre, & que l'on craint d'irriter" (inquit M. LE THIEULLIER senior Sal. Fac. Doctor). Les mélancholiques, les malades toupponnés d'engorgemens dans les viscères, ou sujets aux affections nerveuses en ont éprouvé les plus grands avantages, "Vittus autem peculiaris aquarum de Merlange saltem a nobis observata (inquit M. Macquart Sal. Fac. Doctor) est opianica, & sub hoc respectu saepe antependenda sunt caeteris, in quibusdam morbis". Eadem mihi sanctissime affirmant caeteri Sal. Fac. Doctores qui eas in auxilium advocant. Conf. inferius [34]. 2.

[29] Ulcera κακοήθεια dicuntur etiam Chironia eo quod a solo Chirone possint sanari. Quidam tamen huius vocis etymologiam desumere malunt a χῆρῃ quod Graecis significat pesus. Alii etiam Satirici id repetunt a χεῖρῃ manus, quia ex iis ulceribus lucrum non leve faciant Agyrtæ. In hoc sensu Sidonius Apollinaris *Libr. Epist. 12*, debacchans in justum Medicastrum, qui ex ipsis status farinam exigebat, scribit eum esse Chironia magis institutum arte quam Machaonia. Sed ista ut in capite.

[30] Conf. RUTTY, in opere supra allegato, p. 474, & alibi passim.

[31] "Alteri etiam virgini monatli fluxui alvi cum doloribus uteri obnoxia ab aliquot annis, praescribo easdem aquas cum levamine maximo; agra has sibi valde gratulatur aquas, quamvis omnino non sauctur". Hæc M. MACQUART Salub. Fac. Doctor.

tum enim famæ sibi vindicarunt aquæ de *Sic. Reine* in scabie, impetigine &c. omnibus innotuit. Aquæ vero de *Merlange* iidem mineralibus turgent ac aquæ montis *Alcui*, nisi in his postremis paulo plus solvi chalybis dicere velis [32].

IX. Tandem ne longius progrediamur, agmen claudemus dicendo aquas nostras omnibus esse idoneas quibus delicatiora sunt viscera, iis qui morbis ab acido, a pingui, a viscoso obnoxii sunt, mulieribus quæ menorrhagiis decumbunt, quæ mensium suppressione laborant [33], iis qui fluxu seminis benigno aut virulento vexantur [34], virginibus quæ fluxu albo debilitantur [34]. Adhiberi poterunt in hemiplegiis, epileptiis periodicis a saburra. Optimo cum successu viam sternent aquis aliis mineralibus quæ absque prævia ægrorum præparatione tuto propinari nequeunt, ut aquis de *Plombières*, de *Vichy* &c. Ebibendæ sunt ad instar cæterarum aquarum mineralium, incipiendo a parva dosi, & pedatim progrediendo ad maiorem. Qui earum vim purgativam adaugere cupient, poterunt in iis solvere absque ullo periculo drachmas aliquot salis cujuslibet neutri, aut aliud medicamentum purgans, &c. &c. &c.

## V.

**N**ULLA est propositio tam certa & tam evidens, quæ tamen ab objectionibus omnino possit esse tuta. Neque nostra meliori fruitur sorte. Primo etenim dicitur exiguæ aut saltem raræ prorsus utilitatis esse metallica & abforbentia; sed & salia in re medica, dum difficile est admodum ut ne dicatur impossibile, ista vasorum lacteorum ostiola perreptare possent [35], sicque laticibus nostri corporis permisceri. Secundo obijcietur illud quod vulgo de aquis mineralibus in genere dicitur; eas nimirum non agere nisi lapsu temporis & nisi quotidie quadam copia ingurgitentur, quod ægrorum palato ingratiſſimum, ventriculo aliquoties noxium. Tertio tandem nostram Theſim infimulabunt malevoli, eo quod chronica originem ducant ut plurimum ex ventriculi debilitate, cui debilitati adhuc favere

[32] Illud mihi facile fuit expriri anno proxime elapſo, in itinere meo ad montem *Alyſium*.

[33] Adolescentula quædam catameniorum suppressione laborabat. In vicem humani coloris, facies ipsius pallore nimio defœdebatur. Exhibita fuerunt remedia idonea: deinde aquarum nostrarum facta fuit mentio. Placuit salubre consilium. Intra unius mensis spatium menstruata fuit virgo, perfecteque sanata.

[34] Aliam adolescentulam torquebat fluor albus; huic accessit ex coitu impuro gonorrhœa violenta. Una cum solitis remediis, pro pituita hausit aquas minerales nostras, quarum sextarios quatuor quotidie sorbebat. Elapsis sex hebdomadibus a gonorrhœa evasit libera, paulatim de die in dies subsedit fluor albus, & abhinc isto tempore pristinam ac titubantem valetudinem cum firma & vegeta permutavit. Hanc observationem & supra commemoratam nota [33], mihi subministravit M. DIONIS Saluberr. Fac. Doctor.

2. Eadem prorsus quæ supra de aquarum nostrarum virtutibus observavit M. GUILBERT DE PAREVAL, S. F. D. qui eas multis agris cum successu exhibuit in obstructionibus glandularum, irritationibus plexuum nervorum imi ventris, in gonorrhœis, fluoribus albis, &c.: sed imprimis Dominæ. \* \* \* Hæc tumore in abdomine laborabat, qui dum inrumescebat acerbissimis doloribus ægram cruciabat. Quin & crus dextrum per vices etiam intumescerebat, ibique percipiebatur quasi sphaerula ex tensione musculorum contranaturali adorta. Incassum adhibita fuerunt cætera indicamina, sola aqua de *Merlange* res ad statum meliorem perduxit, &c.

[35] Ingeniosissimus D. WATON jejuno horis abhinc 36 cani, deglutendam præbuit libram unam panis & lactis, quibuscum miscuerat unciam unam cum dimidia salis martis in S. Q. aquæ soluti & colati. Elapsa hora una, eam evisceravit, ex thoracico ductu unciam fere dimidiam chylis collegit, illum cum tinctura nucum gallarum miscuit absque ulla coloris mutatione, quamvis idem chylus cum quarta parte grani unius salis ejusdem martis, ex infuso nucum gallarum acquireret colorem atro purpureum. Vid. *Philosophical Transact.* ann. 1750. vol. L. part.

videtur aquarum epotatio, quæ gasteris fibras & vires concoctrices relaxat. Sed quis primo intuitu non videat ista potius esse joco disputantium oblectamenta, quam serio accusantium objectacula? His tamen omnibus respondere paucis tentabimus, ne si quid ex frivolis præterierimus, videamur cuipiam ea agnovisse, non vero contempsisse. Quoad igitur primum, respondebimus maximam interesse discrepantiam inter mineralia quæ quotidie perhibentur deglutienda (& quæ tamen haud proflus inutilia, imprimis si debellandorum morborum causæ in primis regionibus hæreant) & mineralia in aquis nostris mixta, quæ quidem in statu adeo diviso & tenui ibi diluuntur, ut nullæ sint corporis nostri latebræ ipsis impervix. Enimvero ut tenuitatis istius ratio quædam possit haberi, jam diximus nota [20] cuncta mineralia aquarum nostrarum una cum vehiculo suo trans mæandros vasorum fictilium quibus asservantur, exsudare. Porro nullum est vas lacteum quod non constet officio majori mæandris lagenarum de quibus loquimur, quæ ex terra Cos fidæ, aliquid naturæ vitri retinent quoad immeabilitatem. Sponte igitur ruit prima objectio, quæ aliunde observatis abunde repugnaret, ut satis quisque noscit. Quoad secundum, non possumus diffiteri usum aquarum mineralium debere esse diuturnum. Sed exinde nullum telum adversus nostram Thesim. Quot enim alia medicamina & quidem ægris ingratiissima, quorum usus per menses & etiam per annos protrahitur. Ubirosæ, ibi & spinæ. Mel felle regitur, & si impræsentiarum medicamina nostra ægris non sapiant, saltem in posterum spes affulget melioris diei. De autem postremo objectu, parum abest quin taceamus. Eum ne nauci quidem dignum putamus. Jam enim supra demonstravimus aquas nostras morbis ventriculi plurimum adversari, nedum iisdem famulentur. Et aliunde si Medicos teneat metus ne debilitatem ventriculi adaugeant aquarum nostrarum potus, quid impedit quominus misceantur cum medicaminibus roborantibus aliquot, v. g. cum aliquoribus spirituosiss, vinis generosis, aquæ-vitæ cyathulo, &c. nihil profecto. Tunc debilitatis ventriculi viribus prospiceretur, simul & chronicis quibus congruere possunt aquæ nostræ. Solvuntur itaque omnes nodi, rectoque filo ducimur ad consequentiam.

*Erge Chronicis. Aquæ Minerales vulgo DE MERLANGE.*

**DOMINI DOCTORES DISPUTATURI.**

*M. Martinus NOUGUEZ. M. Joannes MACMACHON, Antiquus Exercituum Regis & Nesciorum Militarium Medicus, Regiæ Scholæ Militaris Medicus ordinarius.* *M. Stephanus POURFOUR DU PETIT.*

*M. Ludovicus-Alexander GERVASE. M. Franciscus THIERY. M. Paschalius BORIE.*

*M. Ambrosius HOSTY. M. Anna - Claudius DORIGNY. M. Florentius - Carolus BELLOT.*

Proponebat Parisiis EDMUNDUS-CLAUDIUS BOURRU;  
Parisiensis, Saluberrimæ Facultatis Medicinæ Parisiensis Baccalaureus,  
Theseos Auctor. A. R. S. H. 1765. A SEXTA AD MERIDIEM.

Typis F. A. QUILLAU, Universit. & Facult. Med. Typographi, 1765.